

四庫全書

子部

欽定四庫全書

仁齋直指卷三

宋 楊士瀛 撰

明 朱崇正 附遺

諸風

風論

氣血痰水受病於內者也風寒暑濕致寇于外者人也  
之一身血氣既虛陰陽不守飲食居處嗜慾無節衝風  
卧地調護不加於是經絡空疎腠理開徹風邪乘其虛

而入之中風諸風皆是物耳風之為病善行數變其中人也卒其眩人也暈激人之涎浮昏人之神亂挾熱則痿愴緩弛挾寒則急痛拘攣自其邪氣之入人也邪氣反緩正氣反急正氣引邪為喎僻為竄視為掣縱為搐搦為癱瘓為反張在於陽則皮膚緩在於陰則腹裏急緩則四肢不能收急則一身不能仰皆隨其邪氣所至表裏淺深而有證也種類雖多大要有四血氣偏虛半身不遂肌肉枯瘦骨間疼痛謂之偏枯神智不亂身體

無痛四肢不舉一臂不隨謂之風痺

能言則可治

忽然迷仆

舌彊不語喉中室塞噫噫有聲謂之風癰

身軟有汗則生

風寒

濕三氣合而為痺其人肉厚身頑不知痛癢風多則走注寒多則疼痛濕多則重着在筋則筋屈而不伸在脉則血凝而不流在肉則不仁在骨則癢重夫是之謂風痺傷風一證發熱煩燥頭疼面光惡風自汗蓋風能散氣故有汗也風家脈浮者病在表脈實者病在裏脈虛者病在臟脈促者病在上浮則發散實則疎導虛則溫

之促於上而病人壯盛胃喉澎湃者瓜蒂散少少吐之  
俗謂熱則生風大綱然爾多有胃虛氣虛血虛虛極而  
生風者若諸虛證候天雄附子官桂川烏又不可闕治  
法大要盡以消痰順氣為先順氣用南木香蘇合香圓  
輩消痰用南星半夏細辛僵蠶輩如石綠鐵銹水銀輕  
粉鉛霜朴消等劑謹勿妄施寒毒入胃則血脈凝澁真  
氣消鑠不旋踵而廢人治風良劑小續命湯為上排風  
湯次之然二藥主風不主氣須以人後順氣散烏藥順

氣散佐助其間氣一流行則風亦疎散矣至若口開手散瀉血遺尿眼合不開汗出不流吐沫氣簾聲如鼾睡面緋面黑髮直頭搖手足口鼻清冷口噤而脈急數皆為不治之證其餘諸風種類余於嬰兒驚風指要備論之

諸風證治

心中風

心風偃卧熱而瘡

脣赤其身有汗生

白黑青黃脣上見

停停時悚扁醫驚

心中風偃卧不能顛倒發熱失音其舌焦赤汗流脣  
赤者可治灸心俞若脣上白黑青黃乃心壞為水面  
目停停時時悚動者並不治心俞二穴在第五椎骨  
下兩傍各一寸半五臟俞穴千金翼所載與六十七  
難注同取分寸法男左手女右手以中指第一節為  
一寸

肝中風

肝家踞怒不低頭

左脇偏疼筋急搜

額目脣青為可療

目黃目白使人愁

肝中風踞坐不能低頭上視多怒左脇偏疼諸筋攣  
急頭目瞶動其目青遠兩目連額微青面黃者可治  
灸肝俞若大勢青黑其目一黃一白者不治肝俞二  
穴在第九椎骨下兩傍各一寸半

腎中風

腎中踞而腰脊疼

面浮耳黑賊風生

脇無黃迹能全愈

直髮泥容旦暮傾

腎中風跼坐腰脊痛引小腹面上浮腫其耳黑視左  
右脇未有點點黃色者可治灸腎俞若脇上黃點面  
如土色鬚髮直齒黃赤者不治腎俞二穴在第十四  
椎骨下兩傍各一寸半

肺中風

肺風喘促滿胃堂

偃卧熱熱燥異常

口鼻之間須要白

尋衣肺壞色憂黃

肺中風偃卧胃滿氣短喘息時嗽燥悶汗出其鼻白  
目下及鼻四圍以至於口色白者可治灸肺俞若色  
黃乃肺壞為血其與尋衣摸空者並不治肺俞二穴  
在第三推骨下兩傍各一寸半

脾中風

脾中風兮肌肉瞤 踞而腹滿吐鹹酸  
脣并肢體通黃瘡 手足眸青療已難

脾中風踞坐腹滿皮肉瞤動四肢放縱其脣黃身通

黃吐鹹汁者可治灸脾俞若手足青且冷或目下青並不治脾俞二穴在第十一椎骨下兩傍各一寸半

胃中風

胃病根源飲食來

擡肩喘息氣難開

口張額汗腹中滿

浮診雙關脉大哉

胃中風腹滿填脹隔塞不通張口喘息額上多汗孫地仙所謂新食竟取風為胃風是也或曰風中諸臟不關諸府是亦一說然胃為水穀之海五臟皆取氣

於胃故並存之三因云胃俞二穴在第十二椎骨下  
兩傍各一寸半

中風惡證

中風惡證細推求

口噤須遲脈數憂

眼合不開并竄瞪

面緋面黑手難收

口開吐沫氣麤大

髮直搖頭汗不流

鼾鼾喉鳴兼鼻冷

遺尿瀉血並皆休

中風多是惡風自汗心風脈浮洪肝風脈浮弦腎風

脈浮滑肺風脈浮濇脾風脈浮緩或以三部候之或以本臟取之不可一槩論也醫者當明辨之

治卒中法

圓白天南星

濕紙裹煨

南木香

蒼朮

生

白羊眼半夏

用百沸湯就跳蘄少頃各一錢半

辣細辛

甘草

生

石昌蒲

細切各一錢

右件剉散分作二服水一盞半生薑七厚片煎取其半乘熱調蘇合香圓三圓灌下痰盛者加全蝎二枚

灸治一切卒中不論中風中寒中暑中濕中氣及痰厥飲厥之類初作皆可用此先以阜角去弦皮細辛或生南星半夏為末揭以管子吹入鼻中俟其噴嚏即進前藥牙噤者中指點南星細辛末并烏梅肉頻擦自開

又法

南木香

細判  
貳錢

生南星

七片

生薑

七片

石昌蒲

二寸  
槌碎

右煎取清汁乘熱調南木香末壹錢蘇合香圓三圓與之

小續命湯治中風諸風迷仆涎潮舌彊語蹇或昏潰痿弛或厥冷拘攣不論表裏淺深服之皆驗

麻黃

去節

人後

防己

官桂

黃芩

杏仁

去皮尖焙

白芍藥

芍藥

甘草

炒各壹兩

防風

壹兩半

附子

炮去皮臍只用半兩

右劉散每服三錢薑五厚片棗二枚水盞半煎一盞  
溫服恍惚加白茯苓骨節煩疼素有熱去附子倍芍  
藥煩燥大便秘去附子倍芍藥加竹瀝大便利素有  
寒去黃芩加白朮附子骨肉冷疼加辣桂附子嘔逆  
腹脹加人蔘半夏自汗去麻黃加芍藥大便結熱去  
附子加枳殼大黃痰多加南星炮切數片風虛加當  
歸渴加枯萋根身疼加秦艽喘急加炒桑白皮

排風湯治五臟風諸風亦治風毒脚氣腫痛

白鮮皮

白朮

白芍藥

辣桂

當歸

川芎

杏仁

去皮尖  
微炒

防風

甘草

各貳  
兩炒

獨活

麻黃

去節

白茯苓

各叁  
兩

右麤末每服三錢水盞半薑四片煎一盞溫服

良方人後順氣散治諸風戰掉拳攣眩暈喎邪麻痺疼  
痛

川芎

桔梗

白朮

白芷

陳皮

枳殼炒

甘草

各壹兩炒

麻黃

去節

天台烏藥

去心各壹兩半

人參

白薑

炮各半兩

右為末每二錢薑棗煎服

烏藥順氣散證治同前亦主腳氣

烏藥

去心

麻黃

去節

陳皮

各貳兩

川芎

枳殼

炒

北梗

白芷

直僵蠶

炒去絲

甘草

炒各壹兩

白薑

炮半兩

右為末每二錢薑棗煎服

攝生飲治一切卒中不論中風中寒中暑中濕及痰厥

飲厥氣厥之類初作即用此

圓白南星

濕紙裏煨

南木香

半夏

用百沸湯洗跳蘸少頃各

壹錢

半

辣細辛

蒼朮

生

甘草

生

細節石菖蒲

各壹錢

右剉分貳服每服水盞半薑七厚片煎取其半乘熱

調蘇合香圓

方具諸氣門

參圓灌下痰盛加灸全蝎貳枚

先以皂角肉細右為末管子竭些吹入鼻中候噴嚏  
即進藥牙噤者烏梅肉揉和南星細辛末以中指頻  
擦自開

三生飲治卒中昏迷痰盛喉鳴口眼喎斜半身不遂但  
脈沈無熱者可服

南星

生

川烏

生

附子

生各去皮  
濟半兩

南木香

氣錢

大毛白

四

生薑

十一

右呖咀每服三錢水壹盞半薑十厚片煎取半微溫服

附香飲證治如前

附子

生四錢

木香

錢貳

右呖咀分兩服每用水壹盞半薑十片煎取半微溫服  
虛人可用

星香飲證治如前

南星

捌錢

木香

貳錢

右劉分生服每用水盞半薑十片煎六分溫服氣盛  
人用此

大醒風湯治卒中諸風涎潮痰厥語澁神昏

附子

生

南星

生各  
參分

全蝎

川芎

防風

各壹  
分

右劉散每三錢薑十片煎服氣不和加木香

省風湯

南星

炮壹  
兩

防風

半  
兩

甘草

炒壹  
分

右剉每服三錢薑十片煎服氣虛人加生附子沈香  
氣逆加紫蘇木香頭痛而暈加全蝎多痰加半夏  
左經圓治諸風癱瘓拘攣強直疼痛或跌撲傷損亦主  
之

草烏

炮去尖  
四兩

川烏

炮去皮  
臍貳兩

沒藥

壹兩  
半

乳香

壹兩

黑豆

生壹升以班貓貳拾壹箇去  
頭足翅同煮候豆熟為度去

班貓取豆  
焙乾用

右細末醋和豆為糊圓桐子大每服三十圓溫酒下

鐵骨丹治諸風癰瘰拳攣半身不遂

川烏頭

草烏頭

各炮去皮臍尖

川芎

當歸

酒浸

辣桂

川續斷

洗

華陰細辛

補骨脂

炒

烏蛇

洗酒浸取肉  
曬乾染錢半

直僵蠶

炒去絲

木鼈子

去殼炒熟

天麻

酒浸

巴戟

酒浸去心

防風

滴乳香

沒香

麻黃

去節

羌活

獨活

堅白南星

炮熟

白蒺藜

炒搗去刺

薏苡仁

蒼朮

炒各半兩

萆薢

鹽水  
煮乾

杜仲

去麋皮劉藍  
注製炒焦

牛膝

酒浸  
各一兩

虎脰骨

洗酒浸  
炙焦

自然銅

燒紅醋淬  
次各三兩

白附子

炮

川五靈脂

各四錢

秦朮

全蝎

去毒微炒  
各二錢半

麝香

半錢

右細末乳香沒藥麝別研漸入拌和以浸藥酒調飛  
麪煮糊研築圓彈子大每服一圓溫酒磨下或宣木  
瓜煎湯下黑豆淋酒下不拘時服仍間用高良薑碎

壹升煎湯圍燠盪浴最妙未服藥前須以班貓二十  
一箇去翅足用黑豆一建盞慢火同炒焦只用七箇  
并豆入全蝎十四枚微炒五靈脂二錢半為末糕糊  
圓麻子大每二十一圓老酒下先去其風根

鐵彈圓治諸風癱瘓

川烏

炮去皮臍  
一兩半

川五靈脂

四兩

乳香

沒藥

各一兩

麝

一錢

右乳香以乾竹葉包裹用熨斗火熨過即研成末餘

藥末之拌和再碾滴水為圓彈子大每一圓薄荷酒

磨下

拒風丹治一切風

川芎

四兩

防風

一兩半

天麻

甘草

炒各一兩

細辛

萆撥

各半兩

右末煉蜜和杵每兩作三十圓每服一圓細嚼荊芥酒下傷風鼻塞項彊頭疼薑湯下

麝香圓治白虎瘧癘風走注疼痛遍身瘙痒如蟲啣晝

靜夜劇

川烏

大八角  
者三箇

全蝎

二十一  
箇

地龍

半  
兩

黑豆

並生用  
二錢半

麝香

半  
字

右細末糯糊圓菜豆大每服七圓甚者十圓夜卧令  
膈空溫酒下微出冷汗便瘥

增味五痺湯治風寒濕合而為痺肌體麻痺不仁

羌活

防已

片子薑黃

白朮

海桐皮

當歸

白芍藥

各一兩

甘草

炒七錢半

右剉每服三錢薑十厚片煎服病在上食後病在下

食前

瓜蒂散吐法

右瓜蒂末一錢熟水調下若風顛證須以瓜蒂散吐

痰

稀涎散治風涎潮塞上膈氣閉不通

猪牙皂角

四條肥實不蛀者去黑皮

光明晉礬

一兩

右細末輕者半錢重者三字熟水調下但少吐之弱者不可吐用養正丹三十圓研細南木香煎湯調下仍與南星附子豁痰歸經雞心賓榔亦能疎風順氣鶴膝風攣方真紫金皮老酒煎候溫常服

急風方

朱砂

一字

輕粉

一點

巴豆

去油如霜些兒

全蝎

一枚

蟬殼

兩枚  
去土

右末之研和大人盡劑用薄荷泡湯調下小兒分半

用乳汁調下或吐痰或泄毒物皆效

烏龍丹治諸風癰瘰口眼喎斜語言蹇澀

真川烏

生去皮臍

好五靈脂

各二兩

右末入腦麝半錢同研滴水圓小彈大陰乾每一圓  
先薑汁研開次好酒調下空心食前日兩服似鐵彈

圓

盧江劉寶治瘧良方

歸荊湯治風瘧昏迷吐沫抽掣脊強直產後中瘧通

用

當歸

荊芥穗

右等分末之每二錢水一盞酒少許煎七分灌下如  
牙緊用銅匙斡以雞羽蘸藥入口或用童尿調下或  
以川芎代當歸亦妙

又方

黑豆

炒焦好酒淋  
之取清汁

右每酒一盞獨活剉三錢煎七分溫服又連續進劑

以瘥為度

太陽風瘥證候始則發熱腹痛喘息涎浮次則牙緊頭搖十指微動漸加項背彊直轉側不仁甚者昏因失音目睛直視滑泄不禁身腰反張如此則十不救一新產血虛汗出傷風亦作瘥證凡產後發熱若舌蹇脣急手指微動便急作風瘥療之荊歸湯獨活酒

方見在濕門

人為邪氣所干則發而為病若氣若血若痰若水若風若寒若暑若濕腑臟表裏冷熱虛實各有受病之

處用藥之法必究其原而後可以起病否則前賢所謂獵不知兔廣絡原野冀一人獲之術亦疎耳是可  
以人試技乎哉

附諸賢論

病機機要曰治風須分在臟在腑在經之異云風本為  
熱熱勝則風動宜以靜勝其燥是養血也治須少汗亦  
宜少下多汗則虛其衛多下則損其榮宜治在經雖有  
汗下之戒而有中臟中腑之分中腑者多著四肢有表

證而脈浮惡風拘急不仁中臟者多滯九竅脣緩失音  
耳聾鼻塞目瞽大便結閉中腑者宜汗之中臟者宜下  
之表裏已和宜治之在經當以大藥養之

發明云中血脈則口眼喎斜中腑則肢節廢中臟則性  
命危三治各不同中血脈外有六經之形證則從小續  
命加減中腑內有便溺之阻隔宜三化湯等通利之外  
無六經之形證內無便溺之阻隔宜養血通氣大秦朮  
湯羌活愈風湯主之

劉宗厚曰按此分在表在裏在經之三證立汗下調養之  
三法可謂開後世之盲聾但所用諸方學者宜詳審之  
河間曰風病多因熱甚俗云風者言末而忘其本也所  
以中風有癱瘓者非謂肝木之風實甚而卒中之也亦  
非外中於風良由將息失宜而心火暴甚腎水虛衰不  
能制之則陰虛陽實而熱氣怫鬱心神昏冒筋骨不用  
而卒倒無知也多因喜怒悲憂恐五志過極而卒中者  
皆為熱甚故也若微則但僵仆氣血流通筋脈不攣緩

者發過如故或熱氣大盛鬱滯不通陰氣暴絕陽氣後竭而死○痰涎者由熱甚則水化製火而生○偏枯者由經絡一側得通否者痺而癱瘓也○口筋噤急者由風熱太甚以勝水濕又津液滯于胸膈以為痰涎則筋太燥然燥金主于收斂勁切故也○或筋反緩者乃燥之甚血液衰少也諸筋攣易愈諸筋痿難復以見燥之微甚也

丹溪云案內經已下皆謂外中風邪然地有南北之殊

不可一途而論往劉守真作將息失宜水不能制火極  
是由今言之西北二方亦有真為風所中者但極少爾  
東南之人多是濕土生痰痰生熱熱生風也邪之所蟄  
其氣必虛風之傷人在肺臟為多○許學士謂氣中者  
亦有此七情所傷脈微而數或浮而緊緩而遲必也脈  
遲浮可治大數而極者死若果外中者則東垣所謂中  
血脈中府中藏之理其于四肢不舉亦有與痿相類者  
當細分之局方風痿同治大謬發揮甚詳子和用三法

如的係邪氣卒中痰盛實熱者可用否則不可

河間曰中風之人不宜用龍麝

關

硃譬之提鈴巡於街

使盜者伏而不出益使風邪入於骨髓如油入而莫能  
出也此之類焉若痰潮不省昏憤不知事宜用藥下其  
痰涎故風者乃百病之長雖審經意故莫不有疑者也  
吁醫之不明運氣造化地理病機之微而欲行通變之  
法者難矣哉

附諸方

防風通聖散

宣明方

論曰風寒熱諸疾之始生也人之

藏府皆風之起謂火熱陽之本也謂曲直動搖風之用也眩運嘔吐謂風熱之甚也夫風熱拂鬱風火生於熱以熱為本而風為標凡言風者即風熱病也氣壅沸筋脈拘倦肢體焦痿頭目昏眩腰脊彊痛耳鳴鼻塞口苦舌乾咽嗑不利胃隔痞悶咳嘔喘滿涕唾稠粘腸胃燥熱結便溺淋閉或夜卧寢汗咬牙唾語筋惕驚悸或腸胃拂鬱結水液不能浸潤於週身而

但為小便多出者或濕熱內餘而時有汗洩者或因

亡液而成燥淋閉者或因腸胃燥鬱水液不能宣行

於外反以停濕而泄或燥濕往來而時結時泄者或

表之陽和正氣

衛氣是也

與邪熱相合并入于裏陽極似

陰而戰煩渴者

表氣寒故戰裏熱甚則渴

或虛氣人不已者

經言與衛

氣并入于裏則寒戰也并出邪熱於表則發熱大則病作離則病也

或風熱走注疼痛

麻痺者或腎水真陰衰虛心火邪熱暴甚而僵仆或

卒中久不語或一切暴瘖而不語語不出聲或暗風

癰者或洗頭風或破傷風或中風諸潮搐并小兒諸  
疳積熱或驚風積熱傷寒疫癘不能辨者或熱甚怫  
結而反出不快者或熱極黑陷將死或大人小兒風  
熱瘡疥及久不愈者或頭生屑徧身黑黧紫白斑駁  
或面鼻生紫赤風刺癢疹俗呼為肺風者或成風癰  
世傳為大風疾者或腸風痔漏并解酒過熱毒兼解  
利諸邪所傷及調理傷寒未發汗頭項身體疼痛者  
并兩感諸證兼治產後血液損虛以致陰氣衰殘陽

氣鬱甚為諸熱証腹滿澀痛煩渴喘悶譫妄驚狂或  
熱極生風而熱燥鬱舌彊口噤筋惕肉瞤一切風熱  
燥證鬱而惡物不下腹滿撮痛而昏者惡物過多而不吐者不宜  
服之兼消除大小瘡及惡毒兼治墮馬打撲傷損疼痛  
或因熱結大小便澀不通或腹急痛腹滿喘悶者並  
皆治之

防風

川芎

當歸

芍藥

大黃

薄荷葉

麻黃

連翹

芒硝

朴硝製過者是已上各半

兩

石膏

黃芩

桔梗

各一兩

滑石

三兩

甘草

二兩

荊芥

白朮

梔子

各二錢五分

右為末每服三錢水一大盞生薑三片煎至六分溫  
服涎嗽加半夏五錢薑製此藥不可無生薑同前劉  
廷瑞方有縮砂無芒硝其餘皆同

加減防風通聖散

頂防風疾常服取効

防風

川芎

當歸

芍藥

薄荷

麻黃

連翹

各半兩

黃芩

桔梗

各一兩

甘草

二兩

荊芥

白朮

各二錢半

烏藥

羌活

天麻

殭蠶

等分

弱氣虛者磨木香

痰涎壅盛者加南星半夏枳

實

搜風順氣圓

聖惠方

治腸胃積熱以致脇間痞悶大便結

燥小便亦澀腸風痔痛腰膝酸疼肢節頑麻手足癱  
瘓行步艱辛語言蹇澀三十六般風及七十二般氣  
無不治之此藥宣通氣血清熱潤燥通利大小便則  
諸病自愈

車前子

一兩半

白檳榔

大麻子

微炒去殼別研

牛膝

酒浸宿

乾山藥

各二兩

枳殼

去穢炒

防風

去蘆

獨活

各一兩

郁李仁

湯泡去皮研

大黃

五錢半  
生半熟

右為細末練蜜丸如梧桐子大每服二十九茶酒米飲任下早晨臨卧各一服久覺大腸微動以羊肚肺羹補之此藥膏粱之家肥甘大過以致大便結燥尤宜服之老人大腸無血大便結燥最宜

蘇合香圓 療傳尸骨蒸殭殍肺痿疰忤鬼氣卒心痛霍亂吐痢時氣鬼魅瘴瘧赤白暴痢瘀血月閉瘧癖丁腫驚癇及小兒吐乳大人狐狸等病○小兒用大

緋絹袋盛當心帶之一切邪鬼不敢近○凡人痰氣及中風痰涎壅上喉中有聲不能下者用青州白丸子同丸生薑自然汁化下立効○產婦中風小兒驚風牙關緊硬不開及不省者擦牙即開然後用風藥治之○小兒吐瀉驚瘡先用火焙此藥然後用生薑白自然汁化開白湯調灌○腳氣衝心用萆薢子去殼槌碎和丸敷則腳心疼痛立止○心腹絞痛中滿嘔吐薑湯化服○大人小兒傷風咳嗽薑葱汁白湯

調下○中風狂亂如見鬼神白湯調服

方見咳  
嗽門

白圓子

和劑  
方

治男婦風痰壅盛手足癱瘓嘔吐涎沫及

小兒驚風並皆治之

方見  
痰類

大秦朮湯

拔粹  
方

治中風外無六經之形証內無便溺之

阻隔知為血弱不能養於筋故手足不能運動舌彊  
不能言宜養血而筋自榮

秦朮

石膏

各三  
兩

甘草

川芎

當歸

羌活

獨活

防風去蘆

黃芩

白芍藥

吳白芷

白朮

生地黃

熟地黃

白茯苓各二兩

細辛五錢

右咬咀每服一兩水二盞煎至一盞去滓通口服如

天陰雨加生薑七片如心下痞加枳實一錢煎服

羌活愈風湯

按粹方

治肝腎虛筋骨弱語言難精神昏潰

及治風濕內弱風熱體重或瘦而一肢偏枯或肥而

半身不遂心亂則百病生靜則萬病息此藥能安心  
養神調陰陽無偏勝

羌活

甘草

炙

防風

去蘆

黃芪

去蘆

人復

去蘆

蔓荊子

川芎

細辛

去蘆

枳殼

去穰麩炒

地骨皮

麻黃

去根

知母

去皮

獨活

白芷

杜仲

炒斷絲

秦艽

去蘆

柴胡

去苗

半夏

湯洗姜制

厚樸

姜製

防已

熟地黃

前胡

各二兩

芍藥

去皮

黃芩

去腐

白茯苓

石膏

生地黃

蒼朮

各四兩

桂

一兩

右剉每服一兩水二盞煎至一盞去渣溫服如遇天陰加生薑三片煎空心一服臨卧再煎查服○常服之藥不可失四時之輔如望春大寒之後加半夏柴胡人後各二兩望夏穀雨之後加石膏黃芩知母各

二雨季夏之月加防己白朮茯苓各二兩望秋大暑之後加厚樸藿香各二兩桂一兩望冬霜降之後加附子官桂各一兩當歸二兩

大烏藥順氣散 治諸風氣手足癱瘓

歸芍地黃芎烏藥陳地龍香附縮砂枳芩半與防風蘇桔并甘草乳沒沈香停姜棗均煎服諸風氣立通

當歸

芍藥

生地黃

川芎

烏藥

陳皮

地龍

香附子

砂仁

枳殼

黃芩

半夏

防風

紫蘇

桔梗

甘草

各半兩

乳香

沒藥

沉香

各二錢五分此三味為末煎熟藥加內服

右用姜棗同煎

勻氣散

瑞竹方

治腰腿疼痛手足攣拳及治中風不語口

眼喎斜半身不遂等證前代曾服有效

白朮

二兩煨

天台烏藥

一兩

天麻

半兩

沈香

青皮

去穰

白芷

人參

去蘆

甘草

紫蘇

木瓜

各二錢半

右咬咀作十服每服水一盞生姜三片煎至半盞去

查溫服

換骨丹

宣明方

治癰瘰風中風口眼喎斜半身不遂并一

切風癰暗風并宜服之

我有換骨丹傳之極幽秘疎開病者心扶起衰翁  
臂氣壯即延年神清日不睡南出張仙翁三百八  
十歲槐皮芎朮並仙人方首蔓十伴各停勻苦味  
香減半龍麝即少許硃砂作衣纏麻黃煎膏丸大  
小如指彈脩合在深房勿令陰人見夜卧服一粒  
遍身汗津滿萬病自消除神仙為侶伴

麻黃

煎膏

仙朮

槐角子

取子

桑白皮

川芎

香白朮

威靈仙

人後

防風

何首烏

蔓荊子

各一兩

苦棗

五味子

廣木香

各半兩

麝香

龍腦

少許研

硃砂

研為衣不拘多少

右為末桑白單搗細秤以麻黃膏和就杵一萬五千

下每兩分作十丸每服一丸以硬物擊碎溫酒半盞

浸以物蓋不可透氣食後臨卧壹呷嚥之衣蓋覆當

自出汗即差

和胃湯調補

及避風寒茶下半丸蓋出汗入

膏時如稠再入水少許煎動入藥唯少為妙其麻黃膏不可多其麻黃膏煉法見後

祕傳祛風散

羌活

獨活

山梔

半夏

蒼朮

蒼耳子

甘草

茯苓

陳皮

當歸

生地黃

防風

荊芥

漢防己

白芍藥

牙阜

威靈仙

各等分

右咬咀每服水二盞薑三片煎至一盞不拘時服加減于後

禦風丹

聖惠方

治一切中風半身不遂神昏語蹇口眼喎

斜婦人頭風血風暗風倒仆嘔噦涎痰手足麻痺

川芎

白芍藥

桔梗

細辛

白殭蠶

川羌活

天南星

姜製各半兩

麻黃

去根節

防風

去蘆

白芷

各一兩半

乾生薑

甘草

炒各七錢半

硃砂

二錢半  
為衣

右為細末煉蜜為圓如彈子大每服一圓熟酒化下  
食前日三服神昏有涎者加硃砂二錢半

續命煮散

大全良方

治風氣留滯心中昏憤四肢無力口眼

潤動或時搐搦亡失津液渴欲飲水此藥能扶榮衛  
去虛風中風自汗及產後中風自汗尤宜服之

防風

獨活

當歸

人侵

細辛

葛根

芍藥

川芎

甘草

熟地黃

遠志

去心

荊芥

各五錢

官桂

七錢半

半夏

五錢

汗多不止加牡蠣粉

右以咀每服一兩生姜三片水二盞煎至一盞去滓

通口服

獨活湯

大全良方

治虛風昏愎不自知覺手足痠癱坐卧不

寧或發寒熱若血虛不能服發汗藥及中風自汗尤

宜服之

川獨活

羌活

人復去蘆

防風

當歸

細辛

茯神去木

半夏

桂心

白微

遠志

菖蒲去毛

川芎

甘草各五錢

右呖咀每服一兩水一盞生薑五片煎至八分去滓  
食後溫服

川芎石膏湯

宣明方

治風熱上攻頭目昏眩痛悶風痰喘

嗽鼻塞口瘡煩渴淋悶眼生翳膜此藥清神爽志宣

通氣血治中風偏枯解中外諸邪調理諸病勞復傳

染

川芎

芍藥

當歸

山梔子

黃芩

大黃

菊花

荊芥穗

人復

白朮

各半兩

滑石

四兩

寒水石

桔梗

各二兩

甘草

三兩

砂仁

二錢半

石膏

防風

連翹

薄荷葉

各一兩

右為末每服三錢水一盞煎至六分去滓食後服水

調亦得忌姜醋發熱物

保命丹

千金方

治諸風癰瘕不能語言心忪健忘恍惚去

夾頭日暈眩胃中煩鬱痰涎壅塞抑氣攻心精神昏

倦又治心氣不足神志不定驚恐怕怖悲憂慘感虛

頭少睡喜怒不時或發狂顛神情昏亂及小兒驚癇  
驚風抽搐不定及大人暗風并羊顛猪顛發叫

硃砂

一兩

珍珠

二錢

南星

一兩

麻黃

去根節

白附子

炮

雄黃

龍腦

各半兩

琥珀

三錢

殭蠶

炒

犀角

鎔

麥門冬

去心

枳殼

地骨皮

神曲

茯神

遠志

去心

人蔘

柴胡

各一兩

金箔

片一百

牛黃

錢三

天麻

兩半

腦子

許少

麝香

許少

膽礬

兩半

牙硝

錢四

皂車

天竺黃

防風

甘草

桔梗

白朮

升麻

兩各一

蟬蛻

兩半

黃芩

兩二

荊芥

兩二

右為細末煉蜜為丸如彈子大每服一圓薄荷湯化下不拘時候忌猪羊鯢核桃動風引痰之物及猪羊

血更加大川烏炮去皮臍姜製半夏白芷川芎各壹兩猪牙皂角一兩和前藥丸服尤妙

神效活絡丹治風濕諸痺肩臂腰膝筋骨疼痛口眼喎斜半身不遂行步艱辛筋脈拘攣能清心明目寬膈宜通氣血年逾四十預服十數丸至不生風病

白花蛇

酒浸焙乾二兩

烏梢蛇

酒浸焙乾半兩

麻黃

去節二兩

細辛

去土一兩

全蝎

去毒一兩半

兩頭尖

酒浸二兩

赤芍藥

一兩

貫芎

二兩

防風

二兩半

葛根

半一兩

沒藥

另研一兩

血竭

另研七錢半

硃砂

另研一兩

烏犀骨

半兩

地龍

半兩  
去土

甘草

二兩  
炙去

丁香

一兩  
去枝

白僵蠶

一兩  
炒

乳香

一兩  
研

麝香

半兩  
另研

片腦

一錢半  
另研

官桂

二兩  
粗皮去

草薺寇

二兩

川羌活

二兩

虎脰骨

酥炙一兩

玄參

一兩

牛黃

二錢半  
另研

天麻

二兩

威靈仙

一兩半  
酒浸

藿香

二兩  
去土

天竺黃

一兩

敗龜板

一兩  
炙

人後

一兩

何首烏

兩二

白芷

兩二

烏藥

兩一

安息香

兩一

青皮

兩一

黑附子

皮一兩去

香附

兩一

白芷

骨碎補

兩各一

黃連

兩二

茯苓

兩一

黃芩

兩二

白朮

兩一

熟地黃

兩二

松香脂

兩半

大黃

兩二

當歸

兩一

木香

兩一

沈香

兩二

金箔

衣為

右為細末煉蜜為丸如彈子大每服一丸細嚼溫酒

茶清漱下隨証上下食前後服頭風搐茶下

搐鼻通天散治卒暗中風倒地牙關緊急人事昏沈

川芎

細辛

藜蘆

白芷

防風

薄荷

各一錢

猪牙皂角

刮去皮  
三箇

右為細末用蘆筒納藥每用少許吹入鼻中

麻黃膏

宣明方

治中風不省人事卒然倒地

右須旺日乙卯者採麻黃一秤揀去根一寸長取東

流水三石三斗以無油膩鐺量大小盛五七斗者可  
先煮五沸掠去滓逐旋添水盡至三五斗以來瀉去  
麻黃淘在盆中澄定良久用細羅子濾去滓取清者  
鐺內再熬至一斗再澄再濾取汁再熬至升半已來  
為度只是勤攪勿令着底恐焦了熬時忌雞犬陰人  
澄時須蓋覆不得飛入塵土其藥放一二年不妨如  
膏稠用水解熬再勻凡中風卒倒用此膏加入湯藥  
內服或用此膏丸藥

三化湯

拔粹方

治中風外有六經之形証先以加減續命

湯隨証治之內有便溺之阻隔復以此導之

厚樸

姜製

大黃

枳實

羌活

等分

右咬咀每服三兩水三升煎至一升半終日服之以微利則已如內邪已除外邪已盡當從愈風湯以行中道久服大風悉去縱有微邪只從愈風湯加減治之然治病之法不可失於通塞或一氣之微汗或一

旬之通利如此為常治之法也久則清濁自分榮衛  
自和矣

附預防中風

出乾坤  
生意

夫聖人治未病之病知未來之疾此其良也其中風者  
必有先兆之證覺大拇指及次指麻木不仁或手足  
少力或肌肉微掣者此先兆也三年內必有大風之  
至經云急則治其標緩則治其本宜調其榮衛先服  
八風散愈風湯天麻丸各一料為効宜常服加減防

風通聖散預防其病則風疾不作而獲其安矣

愈風湯

初覺風動服此不致倒仆此乃治未病之聖

藥也

又治中風症內邪已除外邪已盡當服此藥以行導  
諸經久服大風悉去縱有微邪只從此藥加減治之  
然治病之法不可失於通塞或一氣之微汗或一旬  
之通利如此乃常服之法也久則清濁自分榮衛自  
和矣

羌活

甘草

防風

當歸

蔓荊子

川芎

細辛

黃耆

枳殼

人參

麻黃

香白芷

甘菊花

薄荷

枸杞

柴胡

知母

地骨皮

獨活

杜仲

秦朮

黃芩

芍藥

各三兩

石膏

蒼朮

生地黄

各四兩

肉桂

一兩

右剉每服一兩水二鍾生姜三片煎空心服臨卧煎  
滓服空心一服吞下二丹丸謂之重劑臨卧一服吞  
下四白丹謂之輕劑立其法是動以安神靜以清肺  
○假令一氣之微汗用愈風湯三兩加麻黃一兩勻  
作四服加生姜空心服以粥投之得微汗則住○如  
一旬之通利用愈風湯三兩加大黃一兩亦勻作四  
服如前服臨卧服得利為度此藥常服之不可失四

時之輔○如望春大寒之後本方中加半夏人葶柴胡各二兩通前四兩謂迎而奪少陽之氣也○如望夏穀雨之後本方中加石膏黃芩知母各二兩通四兩謂迎而奪陽明之氣也○季夏之月本方中加防己白朮茯苓各二兩通前四兩謂勝脾土之濕也○望秋大暑之後本方中加厚樸二兩藿香二兩桂一兩通前四兩謂迎而奪大陰之氣也○望冬霜降之後本方中加附子官桂各一兩當歸二兩通前四兩

謂勝少陰之氣也○如得春氣候減冬所加四時類  
此此雖立四時加減更宜臨病之際審察虛實寒熱  
土地之宜邪氣靈少此藥具七情六欲四氣無使五  
臟偏勝及不動於榮榮衛如風秘服之永不結滯此  
藥與天麻丸相為表裏治未病之聖藥也若已病者  
更宜常服無問男女老幼驚癇搖擗急慢驚風四時  
傷寒等病服之神効

八風散

和劑方

治風氣上攻頭目昏眩肢體拘急皮膚瘙

金匱要略卷三  
痺癰疹成瘡及治寒熱不調鼻塞聲重

藿香

去土  
半斤

白芷

前胡

去蘆各  
一斤

黃耆

去  
蘆

甘草

燼

人復

去蘆各  
二斤

羌活

去  
蘆

防風

去蘆各  
三斤

右為末每服貳錢水一鍾入薄荷少許煎湯調下食  
後服之

天麻圓治風因熱而生熱勝則動宜以靜勝其躁是養  
血也

天麻

牛膝

二味用酒同浸三日焙乾

玄復

草薢

各六兩別研

杜仲

炒斷絲七兩

附子

炮一兩

羌活

十四兩

川歸

十兩

生芩

一方有獨活五兩腎間風

右為末蜜為丸如梧桐子大每服五七十九空心溫酒白湯下予按用藥治病之法寒因熱用熱因寒用正治也今中風癱瘓之証本風火陽邪而用烏附等熱藥治之何哉蓋中風癱瘓乃濕痰死血結滯於臟

腑經絡之間非烏附等熱藥而能開散流通之乎此  
非正治乃從治也書云從少從多各觀其事則從治  
之藥只可為引經而已丹溪云肥白人多濕少用烏  
附行經是也此方既用附子又用側子官桂助之其  
理安在哉本欲削去姑存以待肥白多濕之人減而  
用之中病則已不可過肥白多濕之人不可用也

灸法

風池百會曲池合谷肩髃風市絕骨環跳三里等穴

皆可灸之

附胃風

胃風方論

丹溪云此因初飲食訖乘風涼而致其証脹滿食飲不下形瘦腹大惡風頭多汗膈塞不通胃風湯正始此然亦看挾証加減脈右關弦而緩帶浮

胃風湯

拔粹方

治虛風証能食麻木牙關急搐目內蠕動

胃風面腫

白芷

一錢二分

葛根

蒼朮

當歸身

各一錢

升麻

二錢

甘草

炙一錢半

柴胡

藁本

羌活

黃柏

草薢

各三分

麻黃

五分不去節

蔓荊子

一分

右咬咀水貳盞薑三片棗一枚煎至壹盞去滓溫服

胃風湯治風冷入于腸胃泄下鮮血或腸胃濕毒下如

豆汁或瘀血

方見瀉痢門

附傷風

傷風方論

內經曰風為百病之長又曰風勝則動又曰賊虛邪者陽受之又曰傷於風者上先受之

丹溪云傷風屬肺者多宜辛溫或辛涼之劑散之如桂枝湯發蘇飲消風散羌活散究證施治

附諸方

桂枝湯治太陽經傷風頭疼身痛或翕翕發熱或洒洒

惡風自汗

無汗者不可服

桂枝

芍藥

各三兩

甘草

炙一兩

右咬咀每服三錢水一盞薑三片棗二枚煎七分去滓溫服不拘時服惟春初依此方自春末夏至已前加黃芩半兩夏至後加知母半兩石膏二兩或升麻半兩若病人素虛寒不用加減

神朮散

和劑方

治四時瘟疫頭痛發熱及傷風鼻塞聲重

蒼朮

米泔浸五兩

藁本

去土

香白芷

細辛

去葉  
土

羌活

去  
虛

川芎

甘草

炙各  
二兩

右為細末每服三錢水一盞薑三片葱白三寸煎七

分溫服不拘時如傷風鼻塞用蔥茶調下二錢

定風餅子

簡易  
方

治風客陽經邪傷腠理背脊彊直言語

蹇澁體熱惡寒痲頭痛肉瞤筋惕手顫鼻淵及飲

酒過多嘔吐涎沫頭目暈眩常服消風去邪

川烏

南星

川芎

乾薑

甘草

半夏

天麻

白茯苓

各等分  
生用

加白附子

右為末薑汁丸如龍眼大作餅子生朱砂為衣每服  
一餅細嚼熟生薑湯下不拘時服

金沸草散

和劑  
方

治肺經受風頭目昏痛咳嗽聲重涕唾

稠粘及治時行寒疫壯熱惡風

旋覆花

去梗  
二兩

荆芥穗

四兩

麻黃

去節

前胡

去蘆各  
三兩

甘草

炙

赤芍藥

半夏

湯洗七次姜汁浸各一兩

右呔咀每服五錢水一盞薑三片棗一枚煎八分溫

服

後蘇飲

和劑方

治感冒風邪發熱頭疼咳嗽聲重涕唾稠

粘此藥大解肌熱寬中快膈或欲成勞瘵潮熱往來並能治之

木香

紫蘇葉

乾葛

洗

半夏

湯泡七次姜製

前胡

去苗

人參

去蘆

茯苓

去皮各七錢半

枳殼

去穰麩炒

桔梗

去蘆

甘草

炙

陳皮

去白各半兩

右咬咀每服四錢水一盞半薑七片棗一枚煎六分

去滓熱服不拘時

易簡方以氣盛不用木香

沖和散

簡易方

治感冒風濕之氣頭目不清鼻塞聲重肢

體倦怠欠伸出淚

蒼朮

米泔浸炒六兩

荊芥穗

二兩

甘草

一兩一錢半

右咬咀每服五錢水壹盞煎八分去滓熱服不拘時

消風百解散

和劑方

治四時傷寒頭疼發熱惡寒及風壅

咳嗽鼻塞聲重

荊芥

白芷

陳皮

去白

麻黃

去節

蒼朮

各四兩

甘草

炙二兩

右咬咀每服五錢水一盞薑三片蔥白三莖煎七分不拘時服如咳嗽再加烏梅煎

川芎茶調散

和劑方

治諸風上攻頭目昏重偏正頭疼鼻

塞聲重

薄荷

去梗不見  
火八兩

川芎

四兩

羌活

二兩

甘草

二兩

細辛

去葉  
一兩

防風

去蘆一  
兩半

白芷

二兩

荊芥

去梗  
四兩

右為末每服二錢食後茶清調下常服清頭目一方

無細辛

消風散

和劑方

治諸風上攻頭目昏眩項背拘急鼻嚏聲

重耳作蟬鳴及皮膚頑麻瘙痒癰疹婦人血風頭痛

腫痒並皆治之

荊芥穗

甘草

炒各二兩

陳皮

半白半兩

人復

去虛

茯苓

去皮用白者

白殭蠶

炒

防風

去虛

芎藭

藿香葉

去梗

蟬蛻

去土炒各一兩

厚樸

去皮薑製半兩

羌活

一兩

右為細末每服二錢感風頭痛鼻流清涕者用荊芥湯茶清調下遍身瘡癬溫酒下

大辰砂圓

御藥院方

清頭目化痰涎及感冒風寒聲重頭目

昏眩項背拘急皮膚瘙癢並皆治之

天麻

去苗  
一兩

防風

去蘆  
二兩

細辛

去葉土  
半兩

薄荷葉

半兩

川芎

甘草

炙

吳白芷

朱砂

各一兩  
為衣

右以七味為細末煉蜜丸如彈子大朱砂為衣每服  
一丸細嚼食後生薑湯下茶清亦可

人後敗毒散

和劑  
方

治傷寒頭痛壯熱惡寒及風痰痰嗽

鼻塞聲重如心經蘊熱口舌乾燥者加黃芩

柴胡

去苗

甘草

炙

桔梗

人復

去蘆

羌活

去苗

芎藭

茯苓

去皮

枳殼

去穰  
麩炒

前胡

去苗  
洗

獨活

去蘆各  
等分

右咬咀每服三錢水一盞薑三片薄荷少許同煎七

分去滓溫服

羌活散

和劑  
方

治風氣不調頭目昏眩痰涎壅滯遍身拘

急及風邪塞壅頭痛項彊鼻塞聲重肢節煩疼天陰

風雨頓覺不安

前胡

去蘆

羌活

去蘆

麻黃

去節

白茯苓

去皮

川芎

黃芩

甘草

炙

蔓荊子

去白皮

枳殼

去穢炒

細辛

去苗

石膏

別研

菊花

去梗

防風

去蘆各一兩

右咬咀每服一兩薑四片薄荷三葉水二盞煎至一

盞溫服

附破傷風

破傷風方論

病機云破傷風者同傷寒證治通於表裏分別陰陽有在表有在裏有在半表半裏者在裏宜下在表宜汗在表裏之間宜和解不可過其治也

河間曰破傷風者從外至內甚于內者則病也因此卒暴傷損風襲之間傳播經絡至使寒熱更作身體反彊口噤不開甚者邪氣入臟則分汗下之治諸瘡不差榮衛虛肌肉不生瘡眼不合者風邪亦能外入于瘡為破

傷風之候故諸瘡不瘥吁世皆言着灸為上是為熱瘡而不知火熱客毒逐經諸變不可勝數微則發熱甚則生風而搐或角弓反張口噤目邪皆因瘡鬱結於榮衛不得宣通而生亦有破傷不灸而病此者瘡着白痴瘡口閉塞氣難通泄故陽熱亦為鬱結而熱甚則生風也故表脈浮而無力太陽也脈長而有力者陽明也脈浮而弦小者少陽也太陽宜汗陽明宜下少陽宜和若明此三法而治不中病者未之有也

羌活防風湯

拔粹方

治破傷風邪初傳在表

羌活

防風

川芎

藁本

當歸

芍藥

甘草

各一兩

地榆

細辛

各二兩

右咬咀每服五七錢水一盞半同煎至七分去粗熱服不拘時候量緊慢加減用之熱則加大黃二兩大便秘則加大黃一兩緩緩令過

白朮防風湯

拔粹方

若服前藥之過有自汗者宜服此藥

白朮

黃芪 各一兩

防風 二兩

右咬咀每服五七錢水一盞半煎至一盞去粗溫服不拘時候○臟腑和而有自汗可用此藥○破傷風臟腑秘小便赤自汗不止者因用熱藥汗出不休故知無寒也宜速下之先用芎黃湯三二服後用大芎黃湯下之

芎黃湯 拔粹方

川芎 一兩

黃芩 六錢

甘草 二錢

右咬咀每服五七錢水一盞半同煎至七分去滓溫服不拘時候三服即止再用下藥

大芎黃湯

按粹方

川芎

羌活

黃芩

大黃

各一兩

右咬咀依前煎服宜利為度

羌活湯

按粹方

治半在表半在裏

羌活

去蘆

菊花

去梗

麻黃

去根節

川芎

白茯苓

去皮

防風

去蘆

石膏

研

前胡

去蘆

黃芩

蔓荊子

細辛

去葉

甘草

炙

枳殼

各一兩

薄荷

香白芷

各半兩

右咬咀每服一兩水二盞生薑五片煎至一盞去滓

通口服食後滓再煎服

白朮湯

按粹方

治破傷風大汗不止筋攣搐搦

白朮

葛根

芍藥

升麻

黃芩

各五錢

甘草

炙二錢半

右咬咀每服一兩水二盞煎至一盞去滓溫服不拘

時

江鰮丸

拔粹方

治破傷風驚而發搐臟腑秘澀知病在裏

可用江鰮丸下之

江鰮

劉炒

野鴿糞

炒

白薑

各五錢

雄黃

一兩

蜈蚣

一對

天麻

一兩

右為末作三分二分用燒飯丸桐子大硃砂為衣一

分巴豆霜二錢半亦燒飯丸桐子大每服硃衣丸三  
十丸加巴豆霜丸一九第二服加貳丸加至利為度  
再服硃砂丸病愈止

蜈蚣全蝎散治破傷風搐搦角弓反張

蜈蚣

去毒炒  
一條

全蝎

一對炒去  
毒並頭足

右為細末如發時用一字或二字擦牙縫內或吹鼻  
中

防風湯

按粹  
方

治破傷風同傷寒表証未傳入裏宜急服

此藥

防風

羌活

獨活

川芎

各等分

右咬咀每服五錢水一鍾半煎至七分去滓溫服二  
三服後宜調蜈蚣散大効

蜈蚣散

拔粹方

蜈蚣

一對

江鰮

三錢

右為細末用防風湯調下如前藥解表不已覺轉入

裏當服左盤龍圓微利看大便硬軟加巴豆霜服之

左龍丸

拔粹方

左盤龍

白薑蠶

鰓

各五錢炒

雄黃

一錢

右為細末燒餅為丸如桐子大每服十五丸溫酒下如裏證不已當于左龍丸一處半內入巴豆霜半錢燒餅為丸如桐子大每服一丸同左龍丸一處合服每服藥中一丸如此漸加服至利為度若利後更服

後藥若搐瘞不已亦宜服後藥羌活湯也

羌活湯

拔粹方

羌活

獨活

防風

地榆

各一兩

右㕮咀每服五錢水一盞半煎至一盞去粗溫服如  
有熱加黃芩○有涎加半夏○若病日久氣血漸虛  
邪氣入胃宜養血為度

養血當歸地黃湯

當歸

地黃

芍藥

川芎

藁本

防風

白芷

各一兩

細辛

五錢

右㕮咀依前煎服

地榆防風散治破傷中風半在表半在裏頭微汗身無汗不可發汗宜表裏治之

地榆

防風

地丁香

馬牙莧

各等分

右為細末每服三錢溫米調下

秘傳止血定痛生肌散專治跌打損傷牙咬刀傷出血  
諸般腫毒出膿後肌肉不生痛不止者並皆治之

真龍骨

煨三錢

白芷

二錢五分

黃丹

飛過五錢

軟石膏

煨去火毒一兩

血結

二錢

乳香

三錢

沒藥

三錢

朝腦

少許

右為細末磁罐摻患處血止痛定肌生累用應効如  
神如若腫毒頑瘡收口先用此藥摻瘡口再用白膏

藥貼之肌生收口

方見腫毒門

秘傳破傷風方

初覺有風急取熟糞堆內蟻螯蟲一二箇用手捏住待蟲口中吐出水就抹在破處身穿稍厚衣裳待少時瘡口覺麻兩脇微汗風出立効如風緊急速取此蟲三五箇剪去尾肚內黃水自出塗瘡口再滴些少入熱酒飲之汗出立効

秘傳獨聖散治破傷風五七日未愈已至角弓反張牙

關緊急服之立有神効

蟬退

去頭足土  
淨五錢

右為末用好酒壹碗煎滾服之立甦為妙

已上三方秘傳累用得効故附于末

如聖散

聖惠方

治破傷風止血定痛

蒼朮

六兩

川烏頭

炮去皮  
四兩

防風

草烏頭

炮去皮

細辛

各二兩半

兩頭尖

炮去皮  
四兩

天麻

川芎

白芷

各兩半

蝎稍

微炒

雄黃

各半兩

損骨加乳香

半兩

右為細末每服一錢酒調下不拘時服

蜈蚣散治破傷風搐搦角弓反張

蜈蚣

去毒炒一條

全蝎

一對炒去毒

右為細末如發時用一字或二字擦牙縫內或吹鼻

中

一方治破傷風欲死者

川烏

南星

半夏

並生

天麻去蘆等分

右為細末每服一錢豆淋酒調下稍溫服次以酒三盞投之

寒

中寒方論

寒者嚴凝殺厲之氣也人以腎為根本惟腎則受寒惟寒則傷腎腎氣一虛寒邪交作急痛拘攣戰掉彊直昏迷厥冷口噤失音此中寒也無汗惡寒頭疼面慘發熱

拘急手足微寒此傷寒也霍亂轉筋洞泄下痢乾嘔吐  
逆積飲停痰此寒邪入腸胃也以至為咳嗽為虛勞為  
疝瘕為脚氣為帶漏為遺精為咳瘧為諸痛寒亦主之  
人惟腎氣不充疎于謹護非特霜凝冰泣之謂寒或者  
炎天暑月當風取涼卧地受冷使寒邪之氣自皮膚而  
達經絡自經絡而入臟腑如前數證皆得以恣睢四出  
矣溫腎禦寒如乾薑附子川烏天雄輩佐之以養正靈  
砂此固藥籠中物然寒傷榮氣徒知溫腎而不知溫血

恐未必有十全之功是則官桂當歸又溫血之上藥也  
不然古人何以致意於寒泣血云

中寒證治

不換金正氣散解散寒邪

蒼朮

炒

橘紅

半夏麴

厚樸

製

藿香葉

各一兩

甘草

炒三分

右剉散每服三錢薑五片棗二枚煎服

養胃湯治外感寒邪內傷生冷

蒼朮

炒

厚樸

製

半夏麴

各一兩

人參

茯苓

草果

藿香

各半兩

橘紅

七錢半

甘草

炒三錢半

右判每服三錢加桂半錢薑七片烏梅半箇煎服

薑桂散溫中散寒生

乾薑

良薑

各半兩

辣桂

木香

半夏麴

甘草

炒各二錢半

右判散每服三錢薑五片棗二箇煎服

附諸方

生料五積散

和劑方

治感冒寒邪頭疼身痛項彊拘急惡

寒嘔吐或有腹痛又治傷寒發熱頭疼惡風無問內傷生冷外感風寒及寒濕客於經絡腰脚酸疼及婦人經泄腹痛並皆治之

蒼朮

米泔浸去粗皮二十四兩

桔梗

去蘆十兩

陳皮

去白

麻黃

去根節

枳殼

去穢麤炒各六兩

厚樸

乾薑

各四兩

白芷

川芎

甘草 炙

茯苓 去皮

肉桂

芍藥

當歸 各三兩

半夏

湯泡七次二兩

右㕮咀每服四錢水一盞半生薑三片蔥白三根煎七分熱服冒寒用煨薑挾氣加吳茱萸婦人調經則用艾醋

按此藥氣味辛溫發表溫中開鬱行氣有殊功去寒濕之聖藥也夫寒濕屬陰熱燥屬陽人之為病不過

二者而已矣善用藥者以苦寒而瀉其陽以辛溫而散其陰病之不愈者未之有也予嘗以防風通勝散瀉熱燥之藥也生料五積散為散寒濕之藥也不識明哲以為何如

理中湯

和劑方

治臟腑中寒口噤失音四肢彊直兼治胃

脘停痰冷氣刺痛

人復

乾薑

炮

甘草

炙

白朮

各等分

右呖咀每服四錢水一盞煎服

四逆湯

和劑方

治傷寒自利脉微欲絕手足厥冷

四逆名者四肢

逆冷也

甘草

炙二兩

乾薑

一兩半

附子

去皮半兩

右呖咀每服五錢水一盞煎七分溫服不拘時

白朮散

活人方

治陰毒傷寒 乾煩燥四肢逆冷

川烏

炮去皮臍

桔梗

去蘆

白朮

附子

炮去皮臍

細辛

各一兩

乾薑

炮半兩

右為末每服二錢水一盞煎六分熱服不拘時

補中益氣湯

方見內傷

附子理中湯治中寒中濕嘔逆虛弱

人復

白朮

乾薑炒

熟附子

各一兩

甘草

炒半兩

右咬咀每三錢薑五片食前煎服少血加當歸

沈附湯治虛寒無陽胃弱乾嘔

熟附子

乾薑

炮各半兩

沈香

白朮

各一分

甘草

炒一錢半

右剉每三錢薑五片煎食前服

薑附湯治中寒厥冷彊直失音口噤吐沫或陰盛發燥

熟附子

乾薑

炮等分

右㕮咀每服三錢水盞半煎半空心溫和服亦治洞

泄嘔吐

附子散傷寒陰證脣青面黑身背彊痛四肢厥冷及諸

虛沈寒

熟附子

三分

官桂

當歸

白朮

各二分

乾薑

炮

半夏麴

各一分

右剉每服三錢薑五片棗二枚食前煎服

五丹圓治沈寒痼冷方見血證類

應夢人侵散治傷寒身熱頭疼亦主痰嗽

人復

白朮

白芷

乾葛

北梗

青皮

各三分

甘草

炒一兩

乾薑

一錢半

右為末每服二錢薑棗煎服

敗毒散傷寒熱證通用

人復

赤茯苓

川芎

北梗

羌活

獨活

前胡

柴胡

枳殼製

甘草

炒等分

右剉散每服三錢薑五片煎服人參羌活散用藥亦同  
傷寒證治格法活人摠括備述其詳

暑

暑主  
注夏

中暑論

人有常言傷暑做出百般病其果厚誣哉蓋暑之入人  
伏於三焦腸胃之間至有兼旬累月而不可測識者如  
嘔吐如中滿如泄瀉如下痢如焦渴如發瘡如腹痛如  
下血以至諸熱等證苟因暑得之其根未除雖百藥遍  
嘗難施其巧夫人心胞絡與胃口相應胃氣稍虛或因  
饑冒暑故暑氣自口鼻而入凝之於牙頰達之于心胞

絡如響應聲遇暑以還急漱口而勿嚥可也若覺暑毒  
逼塞咽喉尤當灌滌而吐之傷暑脈虛面垢自汗身熱  
背寒煩悶大渴倦怠少氣毛聳惡寒或頭疼或霍亂或  
四肢厥冷但身體無痛經云熱則諸毛孔開故灑然惡  
寒體認不精妄以傷暑為傷寒誤人不小然而暑家何  
以脈虛暑能消氣氣消則血散脈安得而不虛其或六  
脈沈伏冷汗自出悶絕而昏不知人此則中暑證候又  
加重耳治法大要雖貴于驅暑尤貴于和中二者並行

則其間雜證不戰而自屈若汗若下若用藥差冷古人戒之雖然夏月伏陰在內暑家氣虛脈虛或飲水過多或冷藥無度傷動其中嘔吐不食自利不渴此則外熱裏寒無惑乎傷暑伏熱之說非理中湯不可也又有冷藥過度胃寒停水潮熱而嘔或身熱微煩此則陽浮外而不內非小半夏茯苓湯不可也抑猶有戒焉暑家脈虛面黧冷汗灑然毛聳手足微寒苟不明辨其裏熱之證誤以剛劑投之抱薪救焚不發黃則發斑甚者蓄血

悶亂而斃矣吁可畏哉

中暑證治

五物香薷湯驅暑和中通用

香薷

三兩

白扁豆

薑製

厚樸

製

白茯苓

各一兩半

甘草

炙一兩

右剉每服三錢水煎溫服

香薷縮脾飲驅暑和中除煩止渴

縮砂仁

二兩

草薢仁

烏梅肉

香薷

甘草

炒各  
兩半

白扁豆

薑  
製

白乾葛

各一  
兩

右剉每服三錢薑五厚片水煎微溫服

香薷剉散解暑毒止霍亂

香薷

二  
兩

厚樸

製一  
兩

茯苓

陳皮

甘草

炙各  
半兩

良薑

三  
錢

右剉細每服二錢半鹽一捻水煎服

五苓散治傷暑煩渴引飲過多小便赤澀心下水氣

方見

水飲  
門

小柴胡湯治傷暑外熱內渴

方見血證類

於內更加生薑為

妙

竹葉石膏湯治伏暑內外熱熾煩燥大渴

石膏

半斤

半夏

盪洗七次切焙  
一兩二錢半

麥門冬

去心二兩  
七錢半

人復

甘草

炒各  
一兩

右麗末每服二錢薑五片青竹葉七片粳米百粒水

煎服

六和湯治暑證身熱嘔不甚渴

人復

半夏麴

杏仁

去皮  
微炒

甘草

炒

縮砂仁

各一兩

茯苓

藿香

宣木瓜

扁豆

製各  
二兩

厚樸

製三  
兩

香薷

四兩

右剉每服三錢薑五片煎服內傷生冷通用

二陳湯

見痰  
涎類

治傷暑復感冷及內傷生冷

半夏

製

橘紅

各五兩

茯苓

三兩

甘草

炙一兩

右咬咀每服三錢薑七片小烏梅一枚煎服感冷更

添生薑

小半夏茯苓湯

方見水飲類

消暑圓治傷暑伏熱生痰以致頭痛中痞

半夏

半斤洗淨醋二升半煮乾別碾

茯苓

甘草

生各四兩

右末之用醋并薑汁調半夏煮糊圓桐子大每服七十圓熟水下暑藥皆可下

來復丹均平陰陽治中暑昏迷霍亂吐瀉

透明硫黃

硝石

各一兩並為細末入定磁內以微火慢炒用柳炭不住

手攪令陰陽氣相入再研極細

元精石

一兩研細水飛

五靈脂

五臺山者水澄去砂

石日乾

陳橘皮

去白

青橘皮

去白各二兩

右靈脂二橘皮為細末次入元精末及硫黃硝石末和畢以好醋打糊圓豌豆大每服五十圓空心米飲

下或五苓散下或水研灌亦得

大黃龍圓治中暑昏潰眩暈分利陰陽

透明硫黃

硝石

各一兩

白礬

枯

雄黃

滑石

各半兩

飛羅白麴

四兩

右為細末入麴拌和滴水圓桐子大每服十五圓至  
二三十圓新汲水下昏塞者水研灌下如無硝石以  
盆硝代來復黃龍大抵性溫

道途中暑昏仆即扶起以手巾蘸熱湯煖其臍腹即

漸蘇醒次以來復丹為末井水調下無中則以大蒜  
細研新水調與之仍以蒜少許置鼻中或謂中暑最  
忌得冷來復黃龍并蒜以水調下者何蓋其藥性溫  
因寒而發用也

附諸方

香薷飲

和劑方

治伏暑引飲口燥咽乾或吐或瀉並皆治

之

一方加黃連四兩用薑汁同炒令老黃色名黃連香

驚飲

厚樸

去皮薑汁炙熟半斤

白扁豆

微炒半斤

香薷

去土一斤

右咬咀每服三錢水一鍾入酒少許煎七分沈冷不拘時服熱則作瀉香薷須陳者佳

縮脾飲

和劑方

消暑氣除煩渴止吐瀉霍亂

縮砂仁

四兩

乾葛

二兩

白扁豆

二兩

烏梅肉

草果

炒去皮

甘草

炙各四兩

一方無乾葛有乾薑

右咬咀每服四錢水一大椀煎七分以水沈冷服

加味五苓散

濟生方

治伏暑熱二氣及冒濕泄瀉注下或

煩或小便不利

赤茯苓

去皮

澤瀉

豬苓

去皮

白朮

各一兩

官桂

不見火

車前子

各半兩

生脈湯生津止渴

人參

麥門冬

五味子

右剉水煎服

人後白虎湯

徐同知方

治伏暑發渴嘔吐身熱脈虛自汗

人後

一錢半

知母

二錢

石膏

半兩

甘草

炙一錢

右咬咀入粳米一合水二鍾煎至一鍾不拘時熱服  
如伏暑作寒熱未解宜和五苓散同煎服伏熱後或  
冷水沐浴或喫冷物清氣在脾不覺散令日晡作寒  
慘壯熱渾身洒淅宜加桂煎服出汗便解

大順散

和劑方

治胃暑伏熱引飲過多脾胃受濕水穀下

分霍亂嘔吐臟腑不調

甘草

三斤

乾薑

杏仁

去皮尖炒

肉桂

去皮各六兩四錢

右先將甘草用白砂蜜炒及八分黃熟次入乾薑同炒却入杏仁候杏仁不作聲為度用篩篩淨後入肉桂一處搗羅為末每服三錢水一盞煎至七分溫服如煩燥并花水調下不拘時候以沸湯點服亦可

十味香薷飲

百一選方

消暑氣和脾胃

香薷

一兩

人復

去蘆

陳皮

白去

白朮

黃芪

去蘆

白扁豆

炒去殼

甘草

炙

厚樸

去皮薑汁炒黑色

乾木瓜

白茯苓

去皮各半兩

右為末每服二錢熱湯冷水任調下

清暑益氣湯

東垣方

治長夏濕熱蒸人人感之四肢困倦

精神減少懶於動作胃滿氣促肢下疼痛或氣高而

喘身熱而煩心下膨悶小便黃而數大便溏而頻或

痢或渴不思飲食自汗體虛

黃芪

蒼朮

米泔制

升麻

各一錢

人參

白朮

神麴

陳皮

澤瀉

各五分

甘草

炙

酒柏

麥門冬

當歸

各三分

葛根

三分

五味子

粒九分

青皮

二分半

右咬咀作一服水二大鍾煎至一鍾去渣大溫服食

遠

益元散

即天水散又  
名六一散

治中暑身熱小便不利此藥性涼

除胃脘積熱又淡能滲濕故利小便而散濕熱也

滑石

六兩桂府者為効  
非桂府則不為佳

甘草

微炒  
一兩

右為末每服三錢蜜少許熱湯冷水任下如欲發汗  
以蔥白豆豉湯調下

桂苓甘露散治伏暑引飲過度肚腹膨脹霍亂瀉利

白朮

茯苓

去  
皮

甘草

炙

葛根

澤瀉

石膏

寒水石

各一兩

官桂

半兩

人復

去蘆

藿香

各半兩

滑石

一兩

木香

二錢半

右為細末每服二錢白湯下新汲水薑湯亦好

暑病治例

出明醫雜著

王節齋曰夏至日後病熱為暑暑者相火行令也夏日人感之自口齒而入傷心包絡之經其脈虛或浮大而散或弦細遲蓋熱傷氣則氣消而脈虛弱其為症汗煩則喘渴靜則多言身熱而煩心痛大渴引

飲頭疼自汗倦怠少氣或下血發黃生斑甚者火熱  
制金不能平木搖擗不省人事治暑之法清心利小  
便最好暑傷氣宜補真氣為要又有惡寒或四肢逆  
冷甚者迷悶不省而為霍亂吐利痰滯嘔逆腹痛瀉  
利此則非暑傷人乃因暑而自致之病也以其因暑  
而得故亦謂之暑病然治法不同也

若行人或農夫於日中勞役得之者是動而得之陽  
證也其病必苦頭痛發燥熱惡熱捫之肌膚大熱

必大渴引飲汗大泄無氣以動乃天熱外傷元氣  
也宜清暑益氣用香薷黃連扁豆人後黃芪五味  
知母石膏之類

暑熱發渴脈虛用人後白虎湯或用竹葉石膏湯亦

好

俱見前

東垣清暑益氣湯治長夏濕熱蒸人人感之四肢困  
倦精神少胸滿氣促肢節痛或氣高而喘身熱而  
煩心下痞悶小便黃而數大便溏而頻或痢或渴

不思飲食自汗體虛此湯最好

見前

若暑熱之時無病之人或避暑熱納涼於深堂大厦  
涼臺冷館大扇風車得之者是靜而得之陰證也  
其病必頭痛惡寒身形拘急肢節疼痛而煩心  
膚大熱無汗此為陰寒所遏使周身陽氣不得伸  
越宜用辛溫之劑以解表散寒用厚樸紫蘇乾葛  
藿香羌活蒼朮之類若外既受寒內復傷水水生  
冷瓜果之類前藥再加乾薑縮砂神曲之類此非

治暑也治因暑而致之病也

若外不受寒止是內傷冰水冷物腹痛泄瀉或霍亂

吐逆宜縮脾飲

見前

或理中湯

見中寒類

加神曲麥芽縮

砂蒼朮此專治內溫中消食也

若吐瀉脈沈微甚者不可用涼藥可用大順散

見前加

熟附子等分或附子理中加炒芍藥

夏月多食冷物及過飲茶水致傷脾胃吐瀉霍亂故

治暑藥多用溫脾消食治濕利小便之藥醫者要

識此意

若既傷暑熱復傷生冷外熱內寒宜先治其內溫中  
消食次治其外清暑補氣而以理脾為主於前陰  
陽二條內相兼取用東垣清暑益氣湯已兼此意  
其用黃芪升麻人葎白朮甘草麥門冬當歸五味  
黃柏葛根是清暑補氣也蒼朮陳皮神曲澤瀉青  
皮是治內補脾也

附暑風

治暑風卒倒法○凡人中暑先著於心一時昏迷切不可與冷水飲并卧濕地其法先以熱湯灌或童便灌及用布蘸熱湯熨臍并氣海續續令暖氣透徹臍腹俟其甦省然後進藥若旅途中卒然暈倒急扶在陰涼處搗路中熱灰土作窩於臍中令人尿其內即甦却灌以人尿或攪地漿飲之半碗或車輪土五錢冷水調澄清服皆可○一方用大蒜三兩瓣細嚼溫湯送下禁冷水即愈

丹溪云挾火挾痰用二陳湯加黃連實者可用吐法

戴氏曰暑風者夏月卒倒不省人事者是也有因火者有因痰者火君相二火也暑天地二火也內外合而炎燄所以卒倒也痰者人身之痰飲也因暑氣入而鼓激痰飲塞礙心之竅道則手足不知動蹠而卒倒也此二者皆可吐內經曰火鬱則發之吐即發散也量其虛實而吐之吐醒後可用清劑調治之

附注夏

注夏屬陰虛元氣不足夏初春末頭疼脚軟食少體熱者是宜

補中益氣湯去柴胡升麻加炒柏白芍藥挾痰者加南星半夏陳皮煎服又或用生脈湯

補中益氣湯

方見內傷門

濕

中濕論

天氣下降地氣上騰二氣薰蒸此即濕也豈必水流濕

而後為濕哉且風之撼動人知其為風寒之嚴凝人知其為寒暑之炎熱人知其為暑惟濕之入人行住坐臥實薰染於冥冥之中人居戴履受濕最多况夫濕能傷脾胃土一虧百病根源發軔於此矣滯而為喘嗽漬而為嘔吐滲而為泄瀉溢而為浮腫濕聚痰涎則發黃濕遍體則重著濕入關節則一身盡痛濕聚痰涎則昏不知人至于為身熱為鼻塞為直視為鄭聲為虛汗為腳氣為腹中脹臍下堅為小便難大便自利皆其證也濕家

不可汗汗之則發瘧熱而瘧者斃又不可下下之則額  
汗胷滿微喘而噦小便淋閉難以有膠治濕之法通利  
小便為上益脾順氣次之半夏茯苓蒼朮白朮官桂乾  
薑皆要藥耳其若小便挾熱不利則赤茯苓防己輩自  
有奇功大抵濕之為病易至沈深漸潤之餘淪肌浹髓  
於斯時也須以朮附薑桂作大劑與之藥力根按病當  
漸解不可以旦暮而責效焉要之治濕莫若生附蒼朮  
為快

中濕證治

加劑除濕湯治氣虛傷濕身重腰疼四肢微冷或嘔逆  
或溇泄並主之

蒼朮

炒

白朮

甘草

炙各一兩

乾薑

炮

茯苓

各二兩

橘紅

辣桂

厚樸

製各半兩

右剉每服三錢薑棗煎服

茯苓白朮湯治受濕身體痛重

茯苓

乾薑炮

甘草炙

白朮

辣桂

蒼朮炒等分

右剉每三錢水煎服

腎著湯治腎虛受濕小便自利腰冷而痛重

乾薑炮

茯苓各二兩

甘草炙

白朮各一兩

右剉每二錢半水煎服加桂亦得

黃耆建中湯治傷濕鼻塞身痛

黃耆

微灸

辣桂

各三兩

甘草

灸二兩

白芍藥

六兩

右麤散每服三錢薑四片棗一枚煎食前服

不換金正氣散治濕益脾順氣加茯苓生薑

方見寒類

神朮圓治濕消飲

方見痰涎類

可用正氣散送下

生附除濕湯治寒濕交攻身體冷痛

附子

生一兩

蒼朮

製一兩半

白朮

厚樸

製半兩

宣木瓜

甘草

灸各三錢半

右剉每服四錢水二盞薑十厚片煎一盞食前微溫服

桂枝附子湯治風濕相搏汗出氣短身體煩疼微腫惡風不欲去衣

辣桂

二兩

白朮

附子

熟各一兩半

甘草

炙一兩

右剉散每服二錢半水盞半薑七片棗二枚煎一盞食前微溫服小便不利悸氣加茯苓痺加防已腹痛

加芍藥

甘草附子湯治中濕小便不利大便自利

附子

熟一箇七錢淨者

白朮

甘草

炙各一兩

辣桂

二兩

右剉每服三錢薑七片煎食前微溫服汗出加防風  
悸氣加茯苓

朮附湯治傷濕大小便皆自利

白朮

二兩

甘草

炒一兩

附子

熟七錢半

右剉細每服三錢薑七片水盞半煎一盞食前微溫服

五苓散治濕證小便不利經云治濕之法不利小便非

其治也

方見水飲類

茵陳湯治濕氣瘀熱發黃小便秘澀渴引水漿

茵陳蒿

一兩半

大黃

半兩

小紅梔子

十枚

右剉每服三錢水煎服五苓散亦治發黃二藥夾煎

尤穩

濕瀉身痛方五苓散加蒼朮煎點隨意

附諸賢論

賈真孫曰濕為土氣火熱能生濕土故夏熱則萬物濕  
潤秋涼則萬物乾燥濕病本不自生因熱而怫鬱不能  
宣行水道故停滯而生濕也況脾土脆弱之人易為感  
冒豈必水不流而後為濕哉人只知風寒之威嚴不知  
暑濕之炎暄感人於冥冥之中也病式云諸瘕彊直積  
飲等證皆屬於濕或肘腫體寒而有水氣裏必小便赤

少不通或渴是蓄熱入裏極深非病寒也大抵治法宜理脾清熱利小便為上故治濕不利小便非其治也宜桂苓甘露木香亭蔭木通治之守真師曰亭蔭木香散下神芎丸此藥下水濕消腫脹利小便理脾胃無出乎此也腹脹脚腫甚者舟車丸下之濕熱內深發黃茵陳湯下之或佐以防己黃芪一身盡腫痛或無汗是濕流關節邪氣在表宜五苓散加官桂蒼朮微汗之不可大汗若自汗出多熱燥津液內水不利切勿利之重損津

液也宜防風白朮甘草湯主之其濕證有二濕熱證多  
濕寒證少當以脈證明辨之如脈滑數小便赤澀引飲  
為濕熱證若小便自利清白大便瀉利身疼自汗為寒  
濕證治之宜五苓散加生附蒼朮木瓜主之

附諸方

防己黃芪湯

金匱方

治風濕脈浮身重汗出惡風或痛少

力

防己

一兩

甘草

炙半兩

白朮

七錢半

黃芪

一兩

右呖咀每服一兩入薑棗煎喘者加麻黃胃氣不和  
加芍藥氣上衝加桂枝下有寒加細辛

按濕勝身重陽微中風則汗出惡風故用黃芪甘草  
實表防已白朮勝溫也足三陰例藥

五積散

和濟方

治外感風寒冒寒濕身體重痛

見寒類

按海藏云麻黃桂芍甘草即麻黃桂枝各半湯也蒼  
朮甘草陳皮厚樸即平胃散也枳殼桔梗陳皮茯苓

半夏即桔梗半夏等湯也又川芎當歸治血兼乾薑厚樸散氣此數藥相令為解表溫中泄濕之劑去痰消痞調經之方雖為內寒外感表裏之分之所制實非仲景表裏麻黃桂枝薑附之的方也至于積冷嘔泄時疫項背拘攣如蔥白豆豉厥逆加吳茱萸寒熱欬逆加棗婦人之產加醋始知用之非一途也惟知活法者其擇之

滲濕湯

和劑方

治寒濕所傷身重腰冷如坐水中小便或

澁大便秘泄皆坐臥濕地或陰雨所襲之也

蒼朮

白朮

甘草

各一兩

乾薑

茯苓

各二兩

陳皮

丁香

各二錢半

右㕮咀每服四錢入棗煎

按此足陽明太陰藥也溫中勝濕之劑

茵陳五苓散治濕熱勝發熱黃疸

茵陳蒿

十分

五苓散

五分

右二物和勻水煎服

桂苓甘露散

宣明方

治濕熱內甚煩渴瀉利小便澀大便

急痛霍亂吐下頭痛口乾

方見暑門

清燥湯

東垣方

治表裏有濕熱痿厥癱瘓不能行走或足

踝膝上背腫痛口乾瀉痢

方見痿門

三花神祐丸

宣明方

治一切水濕腫病大腹實脹喘滿

輕粉

錢一

大黃

兩一

牽牛

兩二

芫花

醋炒

甘遂

大戟

各半兩

右為末滴水丸小豆大初服五丸每服加五丸溫水

下無時日三服

平胃散

和劑方

治脾胃不和不進飲食常服暖胃消痰

蒼朮

未泔浸  
五斤

厚樸

薑製  
炒

陳皮

各三斤  
二兩

甘草

炒三  
十兩

右為末每五錢薑三片棗一枚煎服入鹽一捻沸湯

點服亦得一方加草菓名平胃草菓散

升陽除濕湯

東垣方

升陽除濕防風湯

東垣方俱見泄瀉門

煮酒應効方治諸般濕氣筋骨疼痛

方見風門

秘授仙方萬應膏貼一切濕氣襲于肌肉入于筋骨疼

痛不常貼之神効

方見癰疽門

神芎導水丸治濕熱內鬱胸膈痞滿飢餓口舌生瘡咽

喉不利牙疳齒蝕口臭或遍身生濕瘡乾疥睡語咬

牙驚惕怔忡大小便滯澀風熱酒毒蘊熱等症

大黃

黃芩

各二兩

牽牛

頭末

滑石

各四兩

右為末水丸如桐子大每服四五十九溫水下虛實  
隨証臨時加減

舟車圓

大黃

二兩

甘遂

大戟

芫花

青皮

陳皮

各一兩

牽牛

頭末  
四兩

木香

五錢

右為細末水丸如梧桐子大每服六七十丸白沸湯

下隨時加減

經驗祛濕煮酒方治風濕相搏遍身手足疼痛者服之

神効

川芎

威靈仙

荊芥

麻黃

防風

天麻

青木香

金毛狗脊

羌活

獨活

枳殼

錢各五

川烏

草烏

錢各四

蒼朮

陳皮

川當歸

各五錢

右㕮咀用好頭酒五壺將藥用絹袋懸於壺口再用  
重紙裹壺口再用面糊蜜糊勿令泄氣用文武火煮  
熱每服五盞為度

附瘟疫

瘟疫方論

內經曰蒼天之氣清淨則志意治順之則陽氣固雖有  
賊邪弗能害也又曰冬不藏精者春必病瘟是以多感

於房勞辛苦之人安樂者未之有也俗名瘟病雜著云  
冬溫為病此乃天時不正陽氣反泄藥忌溫熱時行寒  
疫却在溫暖之時時本溫暖而寒反為病此亦天時不  
正陰氣反逆藥忌寒涼又云此病多發於春夏一槩相  
同者此天地之厲氣當參運氣而施治也

東垣云陽明邪熱太甚實實少陽相火而為之視其種  
勢在何部隨經治之當緩勿令重劑過其病所陽明為  
邪首大腫少陽為邪出於耳前後先以酒炒芩連炙甘

草煎少少不住服再用大黃鼠粘子煎入芒硝等分時  
時呷之母令飲食在後及邪氣已只服前藥未已再煎  
次第服之取大便邪氣已即止陽明渴加石膏少陽渴  
加瓜蒌根陽明行經升麻芍藥葛根甘草太陽行經羌  
活防風荊芥並與上藥相合用之

十神湯治時令不正瘟疫妄行

升麻葛根湯治大人小兒時氣瘟疫頭痛發熱

柴胡升麻湯治時瘟疫壯熱惡風頭痛體疼鼻塞咽乾

乾咳嗽涕唾稠粘

俱見傷寒門

小柴胡湯治瘟疫內虛發熱胃脇痞悶渴加瓜蒌仁

方見

竹葉石膏湯傷寒時氣表裏俱虛遍身發熱心胸煩悶

得汗已解內無津液虛羸少氣欲吐

方見暑門

大青丸治時行瘟疫發熱並勞役發熱上膈一切結熱  
神効

薄荷

甘草

梔子

黃芩

黃連 各三錢

大黃 八錢

玄明粉

連翹 各六錢

右為細末用青蒿自然汁為丸如菉豆大用雄黃為衣治雜病發熱者硃砂青黛為衣每服五六十丸白滾湯送下

黃連解毒湯治時役三日已汗解或因飲酒復劇若煩悶乾嘔口燥呻吟錯語不睡 方見眼目門

荊防敗毒散 蘊要方

獨活

前胡

人葍

茯苓

川芎

枳殼

桔梗

甘草

荊芥

牛旁子

薄荷

錢各一

防風

錢半

羌活

錢一

右咬咀水煎服如內熱加黃芩一錢口渴加天花粉

一錢

四君子湯四物湯

俱見補損門

補中益氣湯

方見內傷門

嶺南諸病

出明醫  
難者

春秋時月人感山嵐瘴霧毒氣發寒熱脇膈飽悶不思  
飲食此毒氣從鼻口入內也治當清上焦解內毒行  
氣降痰不宜發汗

黃連

一錢  
水洗

升麻

蒼朮

各一錢  
半米泔浸鹽水炒

黃芩

酒拌  
炒

木香

厚樸

薑製

枳實

麩炒

半夏

湯泡  
七次

桔梗

去蘆

柴胡

木通

各一錢

生甘草

七分

生薑五片水一鍾半煎七分食前熱服滓煎四分繼服

寒溫不節汗身脫衣巾感冒風寒之氣氣閉發熱頭疼此傷寒類也但嶺南氣溫易出汗故多類瘧重則寒熱不退輕則為瘧南方氣升故嶺南人得此病者卒皆胃滿痰涎壅塞飲食不進與北方傷寒只傷表而裏自和者不同治當解表清熱降氣行痰此方用於寒涼時月及雖在溫暖時而感冒風寒者

羌活

半 一錢

蒼朮

浸 汁

柴胡

黃芩

橘紅

去白

半夏

洗 湯

枳實

甘草

炙

川芎

錢 各一

生薑五片水一鍾半煎七分食前溫服渣煎四分隨服取汗出止服

瘴瘧時瘧寒熱往來

柴胡

知母

炒

半夏

湯洗各一錢半

蒼朮

洗 汁

黃芩

酒炒

乾葛

陳皮

川芎

甘草

炙七分

生薑三大片烏梅肉二箇水一鍾半煎七分食前清  
晨服滓煎四分午前服

瘡久者加人復

一錢半

當歸

一錢

汗多者去蒼朮換白朮

加酒炒白芍藥

各一錢半

後變成痢疾瘡後之痢從虛治用補脾胃藥

黃連

炒

木香

宿砂

黃芩

炒

橘皮

當歸

酒洗各一錢

白朮

一錢半

白芍藥

炒二錢

甘草

炙五分

生薑三片水二鍾煎八分食前熱服

溫暑之月民病大行瘟疫熱病治宜清熱解毒兼治內

外

枯黃芩

酒炒

知母

酒炒

乾葛

各一錢

石膏

白芍藥

酒炒

人葎

各一錢半

黃連

酒炒

生地黃

酒洗各五分

升麻

一錢

生甘草

七分

羌活

三錢

生薑三片水一鍾半煎七分食前熱服滓煎四分繼

服若胸膈痞悶痰涎壅塞者加枳實半夏錢各一生薑

汁四五匙若脾胃不實加白朮一錢半

時氣發熱變為黃病所謂瘟瘡也宜治內瀉濕熱

茵陳

黃連

薑水炒

山梔仁

白朮

白茯苓

去皮

厚樸

薑水炒

木通

去皮

人參

錢各一

白芍藥

酒炒

乾薑

錢各一

生薑三大片水二鍾煎七分食前溫服查煎四分繼服

附運氣證治

出乾坤生意

運氣證治者所以參天地陰陽之理明五行衰旺之機考氣候之寒溫察民病之凶吉推加臨補瀉之法施寒熱溫涼之劑古人云治時病不知運氣如涉海問津誠哉言也今遵先賢圖訣撮其要領使人一覽而知其悉也矣

五運配十干之年

甲巳得合為土運

乙庚得合為金運

丁壬得合為木運

丙辛得合為水運

戊癸得合為火運

六氣為司天之歲

子午少陰君火

丑未太陰濕土

寅申少陽相火

卯酉陽明燥金

辰戌太陽寒水

巳亥厥陰風木

南政北政

甲巳土運為南政蓋土居中央君導南面而行餘四運以臣事之面北面受令所以有別也

十二支年分運氣

子午年少陰君火司天歲氣熱化之候

司天者天之氣候也

君火者手少陰心經也心者君主之官神明出焉  
君火乃主宰陽氣之本餘象生土乃發生萬物之

源

陽明燥金在泉

在泉者地之氣候也

初之氣厥陰風木用事子上父下益辛瀉苦

自年前十二月大寒節起至二月驚蟄終止

天時 寒風切冽霜雪水冰蟄蟲伏藏

民病 關節禁固腰腿疼中外瘡傷

二之氣少陰君火用事火盛金衰補肺瀉心

自二月春分節起至四月立夏終止

天時 風與時寒雨生羽蟲

民病 淋氣鬱于上而熱令人目赤

三之氣少陽相火用事君相二火瀉苦益辛

自四月小滿節起至六月小暑終止

天時 大行熱氣生羽蟲不鳴燕百舌杜宇

之類

民病 厥熱心痛寒更作咳喘目赤

四之氣太陰濕土用事子母相順瀉肺補腎

自六月大暑節起至八月白露終止

天時 大雨時行寒熱互作

民病 黃疸衄血咽乾嘔吐痰飲

五之氣陽明燥金用事心盛肺衰火怕水復

自八月秋分節起至十月立冬終止

天時 溫氣乃至初冬尤暖萬物尚榮

民病 寒熱伏邪於春為瘧

六之氣太陽寒水用事火衰心病瀉臍益苦

自十月小雪節起至十二月小寒終止

天時 暴寒勁切火邪恣毒寒氣暴止

民病 生腫咳喘甚則血溢下連小腹而作寒

中

丑未年太陰濕土司天歲氣濕化之候

太陰濕土者足太陰脾經也脾屬中央戊己土每

季寄旺一十八日合為七十二日以應一歲六六

三十六十日之成數也

太陽寒水在泉

初之氣厥陰風木用事主旺客衰瀉酸補甘

自年前十二月大寒節起至閏二月驚蟄終止

天時 大風發榮羽生毛蟲

民病 血溢經絡拘攣關節不利身重筋痛

二之氣少陰君火用事以下生上瀉甘補鹹

自二月春分節起至四月立夏終止

天時 大火至疫癘君令宣行濕蒸相搏暴雨

時降

民病 瘟疫盛行遠近咸若

三之氣少陽相火用事土旺冠水補腎瀉脾

自四月小滿節起至六月小暑終止

天時 雷雨電雹地氣騰濕氣降

民病 身重跗腫胸腹滿感冒濕氣

四之氣大陰濕土用事甘旺鹹衰補胃益膀胱

金匱要略卷三  
自六月大暑節起至八月白露終止

天時 炎熱沸騰地氣升濕化不流

民病 腠理熱血暴溢寒瘧心腹脹浮腫

五之氣陽明燥金用事土能生金益肝瀉肺

自八月秋分節起至十月立冬終止

天時 大涼霧露降

民病 皮膚寒瘡痢甚行

六之氣太陽寒水用事以上尅下瀉脾補腎

自十月小雪節起至十一月小寒終止

天時 大寒凝冽

民病 關節禁固腰腿拘痛

寅申年少陽相火司天歲氣火化之候

少陽相火者三焦浮流之火火邪炎上上尅肺金  
金受尅腎水失母則上盛下虛虛陽上攻變生諸  
疾致傷元氣

厥陰風木在泉

初之氣厥陰風木用事子父相逢瀉苦益辛

自年前十二月大寒節起至二月驚熱終止

天時 熱風傷人時氣流行

民病 寒熱交作咳嗽逆頭痛血氣不調心腹不

快

二之氣少陰君火用事肺衰心盛制苦益辛

自二月春分節起至四月立夏終止

天時 暴風疾雨溫濕相蒸

民病 上熱咳逆胸膈不利頭痛寒熱

三之氣少陽相火用事夏旺火熾補肺益大腸

自四月小滿節起至六月小暑終止

天時 炎暑亢旱草萎河輸

民病 煩熱目赤喉閉失血熱渴風邪人多暴

死

四之氣太陰溫土用事火能生土瀉甘補酸

自六月大暑節起至八月白露終止

天時 風雨時降炎暑未去

民病 瘧痢交作寒熱頭疼

五之氣陽明燥金用事肺金受邪瀉苦補辛

自八月秋分節起至十月立冬終止

天時 寒熱風雨草木黃落

民病 寒邪風熱君子周蜜

六之氣太陽寒水用事心火受尅瀉鹹補苦

自十月小雪節起至十一月小寒終止

天時 寒溫無時地氣正寒霜露乃降

民病 感冒寒邪關節不利心腹痛

卯酉年陽明燥金司天歲氣燥化之候

陽明燥金者肺與大腸之氣象庚辛金也

少陰君火在泉

初之氣厥陰風木用事金木相尅補酸瀉辛

自年前十二月大寒節起二月驚蟄終止

天時 陰始凝風始肅水乃冰寒雨多花開遲

民病 寒熱浮腫失血嘔吐小便赤淋

二之氣少陰君火用事火盛金衰瀉苦益辛

自二月春分節起至四月立夏終止

天時 臣居君位大熱早行

民病 疫癘流行人多卒暴

三之氣少陽相火用事主盛客衰瀉心補肺

自四月小滿節起至六月小暑終止

天時 燥熱交合風雨暴至

民病 寒熱頭疼心煩作渴

四之氣太陰濕土用事以下生上瀉辛益酸

自六月大暑節起至八月白露終止

天時 早秋寒雨有傷苗稼

民病 卒暴寒熱風邪傷人心疼浮腫瘡瘍失

血

五之氣陽明燥金用事金盛木衰瀉肺補肝

自八月秋分節起至十月立冬終止

天時 冬行春令草木生青風雨生蟲

民病 寒熱作痢氣血不和

六之氣太陽寒水用事客來助主益苦瀉鹹

自十月小雪節起至十二月小寒終止

天時 氣候反溫蟄蟲出現反行春令

民病 疫癘溫毒寒熱伏邪

辰戌年太陽寒水司天歲氣寒化之候

太陽寒水者足膀胱經也與足少陰腎經合為表

裏屬北方壬癸水

太陰濕土在東

初之氣厥陰風木用事脾胃受邪瀉賊助甘

自年前十二月大寒節起至二月驚蟄終止

天時 氣早暖草早榮溫風至

民病 瘟疫寒熱頭痛嘔吐瘡瘍

二之氣少陰君火用事心火受邪瀉賊補甘

自二月春分節起至四月立夏終止

天時 春寒多雨寒濕無時

民病 氣鬱中滿浮腫寒熱

三之氣少陽相火用事以上尅下瀉賊助苦

自四月小滿節起至六月小暑終止

天時 暴熱乍涼疾風暴雨

民病 寒熱吐利生煩悶亂癰疽瘡瘍

四之氣太陰濕土用事木旺土衰瀉甘補酸

自六月大暑節起至八月白露終止

天時 風濕交爭雨生羽蟲暴風疾雨

民病 大熱短氣赤白痢瀉

五之氣陽明燥金用事金生水旺制鹹益苦

自八月秋分節起至十月立冬終止

天時 濕熱而行客行主令

民病 氣虛客熱血熱妄行肺氣壅盛

六之氣太陽寒水用事水盛火衰瀉鹹助苦

自十月小雪節起至十二月小寒終止

天時 凝寒雨雪地氣正濕令行

民病 病乃淒慘孕婦多災脾受濕肺旺肝衰

己亥年厥陰風木司天歲氣風化之候

厥陰風木者足厥陰肝經也肝屬東方甲乙木春

旺七十二月也

少陽相火在泉

初之氣厥陰風木用事脾胃受邪瀉酸補甘

自年前十二月大寒節起至二月驚蟄終止

天時 寒始肅客行主令殺氣方至

民病 寒居右脇氣滯脾胃虛墮

二之氣少陰君火用事火旺金衰瀉心補肺

自二月春分節起至四月立夏終止

天時 寒不去霜雪水殺氣施水草焦寒雨至

民病 熱中氣血不升降

三之氣少陽相火用事肺氣受邪瀉苦益辛

自四月小滿節起至六月小暑終止

天時 風熱大作雨生羽蟲

民病 淚出耳鳴掉眩

四之氣太陰濕土用事木土相刑瀉酸益甘

自六月大暑節起至八月白露終止

天時 熱氣返用山澤浮雲暴雨溽溫

民病 心受邪黃疸面為浮腫

五之氣陽明燥金用事以金刑木瀉肺益肝

自八月秋分節起至十月立冬終止

天時 燥濕更勝沈陰乃布風雨乃行

民病 寒氣及體肺受風脾受濕發為瘡

六之氣太陽寒水用事主助客勝瀉酸補甘

自十月小雪節起至十二月小寒終止

天時 畏火司令陽乃火化蟄蟲出現流水不

水地氣大發草乃生

民病 瘟疫心腎相制

謹按運氣之說內經言之詳矣夫人在氣交之中與

天地相為流通苟不先立其年以明其氣臨病施治之際烏乎以用補瀉之藥哉此運氣證治不可不知也又嘗按而驗之多有不應何則陰陽之消長寒暑之更易或失其常在智者通其活變豈可膠柱鼓瑟

按圖索驥也耶

仁齋直指卷三